

**Mga  
Doktrinang  
Gikutlo  
sa Bibliya**



Ang sandiganan sa mga gitudlo ug pagtuo sa Church of God International, gipaningkamotan nga kanunay nauyon sa mga pulong sa Diyos—ang Biblia. Sumala kang Jesus, *ang tawo dili lamang mabuhi sa tinapay kondili sa mga pulong nga nagagikan sa baba sa Ginoo* (Mateo 4:4). Kinahanglan tin-aw sa usa ka kristiano ang mga tema nga pagahisgotan bisan mubo ug lakbit lamang ang gipadayag niining basahon. Labaw sa tanan, gidasig ang magbabasa nga I-agi sa pagsulay ang mga nahisulat aron masuta nga kong nauyon ba kini sa Biblia kay mao lang kini ang sandiganan aron dili mosimang sa kamatuoran.

## 1. Dios (*God*)

Ang Dios *eternal* o walay kahangturan, walay katapusan—kanunay anaa. Walay higayon nga siya nawala. Makagagahom sangatanan, nagamugna ug nagsustiner dili lang sa kalibotan kon dili sa tibuok kawanangan. Usa lang and Dios. Buot ipasabot, usa ka pamilya nga sa pagkakaran duha pa lang ang sakop. Ang Dios Ama ug Dios Anak nga walay lain kon dili si Hesukristo. Ang Ginoo mapinanggaon, mangiluy-on, puno sa gugma nga bisan sa Iyang pagkagamhanan, kabubuton Niyang ipamahin-bahin ang mahimayaong kinaiya sa mga tawo nga Iya ra usab nga hinimo.

*Genesis 1:26; Salmo 19:1; 50:1, 6-7; Isaias 44:6;*

*Juan 1:12-13; 3:16; Roma 1:20; Nehemias 9:6, 16-17; Colosas 1:16; Hebreohanon 1:1-2; 1 Juan 3:1-2; Genesis 1:26*

## **2. Ang Biblia (Bible)**

Mga kasulatan nga sa kinatibuk-an adunay langitnong inspirasyon isip mga Pulong sa Dios. Dinhi gibutyag ang Iyang mga plano alang sa kaluwasan sa katawhan. Dinhi usab nahisgotan ang mga pagpangilabot sa Dios sa mga nahitabo ug mga mahitabo pa niining kalibotana. Ang mga inpormasyon nga dili matugkad sa tawhanong kinaadman gihatagan ug katin-aw aron atong masayran unsa man ang hinungdan nga kita Iyang gimugna. Ang karaan ug bag-o nga testamento maoy kinatibuk-ang basehan sa kamatuoran nga angayan itudlo sa simbahan ug maoy suga nga nagadan-ag sa dalan nga pagasubayon sa mga buot mosunod sa Dios.

*Deut. 8:3; Mateo 4:4; Lucas 4:4; Juan 17:7; Roma 8:16; 1 Corinto 2:7-11; 2 Timoteo 3:16-17; 2 Pedro 1:20*

## **3. Hesukristo (Jesus Christ)**

Si Hesus nga taga Nazareth mao si Kristo nga anak sa Dios Ama ug gitawag usab nga anak sa tawo. Siya ang gitag-an nga Mesias sa *Old Testament*. Sa *New Testament* Siya gipamatud-an nga tawhanon pero puno sa gahom sa

Espiritu Santo. Isip ikaduhang miyembro sa pamilya sa Dios, dinha na siya sukad pa sa sinugdanan sa tanang sinugdanan—nga hangtod karon wala pa matugkad kon kanus-a. Ginganlan siya ug Pulong o *Word*. Wala Siya magdumiling haw-ason ang Iyang pagka-Dios aron magpakatawo para lang matubos ang mga katawhan pinaagi sa Iyang kamatayon. Usa ka maloloy-on ug mahigugmaon nga Manluluwas, nabanhaw ug ningsaka sa langit ug naglingkod dapit sa toohan sa Dios Amahan. Karon ato siyang *High Priest* nga kanunay nangamuyo ug nanalipod kanato batok sa mga pagpasangil nga pagadalhon ni Satanas sa trono sa Dios Ama. Siya ang tagapangaliyupo sa Dios Ama aron pasayloon kita sa mga sala ug pagapanalanginan kita sa atong panginahanglan. Mobalik Siya aron itukod ang Ginghamarian sa Dios dinhi sa yuta. Siya ang maghari niini uban ang mga kristianos nga gawas pa nga gitugyanan ug kasayuran bahin sa plano sa Dios, apan walay pagdumili nga ningsunod Kaniya niining kinabuhi-a.

*Deut. 18:15; Mateo 17:15-17; Juan 1:1-14; 3:16; Mga Buhat 2:32-33; Roma 5:8; Filipos 2:7; Hebreohanon 4:14-15; Pinadayag 1:13-16*

#### **4. Espiritu Santo (*Holy Spirit*)**

Ang Espiritu Santo mao and diwa, gahom, utok, espirituhanong dugtong ug pagtambong sa Dios. Pinaagi niini Iyang itanom ang binhi sa

Iyang kinaiya dinha sa mga kristiano aron sila mahimong mga anak sa Ginoo. Kini ang gahom nga magahatag ug balaanong kusog sa usa ka kristiano aron bag-ohon ang iyang panghunahuna ug kinaiya. Labaw sa tanan garantiya kini sa pasalig sa Ginoo nga ang kinabuhing dayon itanyag sa mga kristianos sa pagbalik ni Kristo.

*Mga Buhat 1:8; 2:38; Roma 8:9,14; 1Corinto 2:16; Efeso 1:13-14*

### **5. Ang mga Katawhan (*Humanity*)**

Ang tawo *material*. Wala siyay kinabuhing dayon o *immortality* nga nagagikan sa iyang kaugalingon. Makadawat lang siya ug kinabuhing walay katapusan kon ihatag kini sa Ginoo. Gilalik siyang unod ug dugo pero sa sama sa panagway sa Dios. Aduna siyay espirituhanong diwa nga gisagol sa iyang utok aron matibuok ang tawhanong salabotan o *human mind*. Mao kini nagahatag ug superior nga panghunahuna ug kinaiya kon itandi siya sa mga hayop.

*Genesis 1:26; Job 32:8; 1 Corinto 2:11; 1 Juan 5:11-13*

### **6. Espiritu sa Tawo (*Spirit in Man*)**

Sa dinhang gilalik ang tawo sa Dios gikan sa abo sa yuta, ug human nya kini huyopi sa ilong

aron masudlan ug ginhawa sa kinabuhi, diha-diha ang tawo nahimong kalag nga buhi o *'living soul'*. Gawas niini, gihatagan usab siya ug usa ka klaseng espiritu nga maoy nagahimo kaniyang mas *superior* kaysa mga hayop. Ang utok sa tawo inubanan sa espiritu nga gituga para kaniya lamang, maoy nagahatag kaniya ug taas nga panan-aw ug panghunahuna nga dili makit-an sa gingharian sa mga hayop o *animal kingdom*. Sa panahon nga siya tugyanan na usab ug espiritu santo gikan sa Ginoo, ang maong espiritu molambigit sa iyang tawhanong espiritu aron sugdan pag-umol ang usa ka kinabuhing balaanon nga mao gayod ang hinungdan ngano nga siya gibuhat. Sa iyang pagkamatay, ang tawhanong espiritu mobalik sa Dios, ug ibalik usab kini kaniya sa higayon nga siya pagabanhawon. Gikan sa kamatayon mahimong buhi-on pag-usab ang tawo. Pwedeng espirituhanon o dili kaha pisikal gihapon ug ibalik ang tanang impormasyong anaa sa sulod niini. Nagaagad kini kon hain nga pagkabanhaw siya buhi-on pag-usab. Duha ka espiritu ang gihisgotan sa Bibliya; **1) ang espiritu sa tawo nga diha na kaniya sukad sa iyang pagkahimugso, 2) ang espiritu santo nga ihatag sa mga tawo nga modesider paglawig sa Diosnon nga dalan.**

*Genesis 2:7; Job 32:8; Ecclesiastes 3:21; 12:7; Daniel 4:28-37; Zacarias 12:1; Roma 8:16; 1 Corinto 2:11-15*

## **7. Ang mga Manolunda (*Angels*)**

Ang mga manolunda gilalang nga mga gamhanang alagad ug sulogoon sa Dios. Gikan sa pagbuhat sa tawo sila gialagaran na niining mga espirituhanong binuhat aron makab-ot ang hingpit nga kaluwasan. Sama sa tawo, ang mga manolunda adunay kagawasan nga mamili sigun sa ilang kagustuhan. Bisan sila gilalang aron makatabang sa Dios, ang uban kanila nga gipamunoan ni Lucifer ning-alsa batok sa gobyerno sa Dios. Mao kini hinungdan nga nahimo silang mga demonyo nga karon nagkatag-katag sa kalibotan.

*Salmo 91:11-12; Efeso 6:12; Heb. 1:7*

## **8. Kaluwasan (*Salvation*)**

Ang kaluwasan mao ang plano sa Ginoo pinaagi kang Hesukristo aron, una, maluwas ang mga katawhan sa mga silot nga angayan niyang maani gumikan sa pagkasala. Ikaduha, ang paghatag ug kinabuhing walay katapusan sa adunay katakos ug nagmadaugon. Apil sa proseso ang 1) pagtawag sa Dios aron masabtan ang kamatuoran, 2) paghinulsol sa mga kasal-anan, 3) pagpabautismo, 4) pagdawat sa Espiritu Santo, 5) pagtamod sa kinabuhing Kristohanon, 6) bug-os nga pagtoo ug 7) hingpit nga pagkahimugso sa Gingharian sa Dios nga usa na ka-espirituhanong binuhat. Ang kaluwasan



walay bayad, grasya kini nga Dios lamang ang magahatag, pero ang ganti mag-agad sa mga binuhatan sa usa ka kristiano samtang nagalawig pa siya niining kinabuhi-a.

*Mateo 16:27; Juan 3:16-17; Roma 6:23; Efeso 2:8-9; Hebreohanon 6:1-2*

### **9. Pagtoo (Faith)**

Ang pagtoo maoy pagtamod nga walay katahap nga adunay Ginoo. Nga Iyang pagatumanon ug buhaton ang mga butang nga Iyang gisaad. Walay kaluwasan kon walay pagtoo. Ang walay kahadlok nga pag-atubang sa mga hagit ilabi na kon gumikan kini sa pagsunod sa Dios, inubanan sa aksyon, maoy mga elemento nga magdulot ug kahingpitan sa tinuoray nga pagtoo.

*Roma 1:7; 10:17; Efeso 3:17; Hebreohanon 11:1-2; Santiago 2:22-24*

### **10. Paghinulsol (Repentance)**

Paghinulsol mao ang pag-angkon sa kamatuoran nga ikaw sad-an ug pagpaninguha nga mosunod ka na sa Ginoo. Magsugod kini kon buksan sa Dios ang panghunahuna sa tawo aron makita ang iyang kaugalingon kon unsa ka sukwahi ang iyang lakaw kon itandi sa mga pamaagi sa Dios ug sa Iyang mga sugo. Ang kinasing-kasing nga

paghinulsol maoy unang lakang paingon sa pakigsinabtanay sa Ginoo hangtod na sa hingpit kaluwasan.

*Mga Buhat 2:38; 3:19-21; 8:22; 1 Juan 3:4*

### **11. Pagpa-Bautismo (*Baptism*)**

Ang seremonya sa pagbautismo gihimo pinaagi sa kumpletong pag-unlod sa tubig o *complete immersion*. Ang paglubong sa daan nga pagkatawo sa lubnganang tubig, ug ang iyang pagbangon gikan niini naghulagway sa kamatayon ug pagbanhaw aron bag-ohon ang pagkatawo sumala sa mga dalan nga gitudlo sa Ginoo. Ang pagsalikway sa sala ug pagsunod sa pag-agak sa Espiritu Santo maoy sinugdanan sa Kristohanong dalan.

*Mateo 3:13-16; Mga Buhat 2:38; Roma 6:1-8; Colosas 2:12*

### **12. Pagpandong sa mga Kamot**

Ang pagpandong sa mga kamot sa mga alagad sa Dios gipahimangno sa Bibliya. Himoon kini alang sa: pagpadawat sa espiritu santo sa oras sa pagpabautismo, ordinasyon sa usa ka tawo nga pagahatagan ug higayon aron magsilbi sa iglesya, pag-ampo alang sa ikaayo sa mga masakiton ug pagpanalangin sa mga bata sama sa gihimo ni Hesus.

*Mateo 19:13-15; Mga Buhat 6:5-6; 8:17-18; 13:3; 1 Timoteo 4:14; Hebreohanon 6:2*

### **13. Ginghamarian sa Dios (*Kingdom of God*)**

Ang Ginghamarian sa Dios pamilya usab sa Dios nga maghari isip usa ka gobyerno. Mao kini umaabot nga gobyerno nga maghari sa tibuok kalibutan. Itukod kini ni Hesus sa Iyang pagbalik. Siya mismo ang magdumala uban sa mga kristiano nga mabanhaw diha-diha sa pagtungtong Niya sa Mt. of Olives. Ang mga kristianong Iyang kauban sa pagdumala sa ginghamarian kadto lamang namatud-an nga adunay katakos ug napamatud-an sa ilang pagsunod sa Dios niining kinabuhi-a. Ang Ginghamarian sa Dios maoy sentro sa tanan nga gisangyaw ni Kristo. Kini gipadayon sa Iyang mga apostoles. Itukod kini sa sulod sa 1000 ka tuig diha-diha pag-abot ni Kristo. Ang kinatibuk-an nga katumanan niini mao ang pagkanaog mismo sa Dios Amahan dala ang Bag-ong Herusalem aron dinhi na sa yuta ang permanenteng pinuy-anan sa kinatibuk-ang pamilya sa Dios. Usa kini ka misteryo nga gilabay-labayan lamang sa mga nagpatoo-too nga magtotudlo sa Bibliya.

*Marcos 4:11; Pinadayag 5:10; 20:4; 21:1-3,7,10*

## 14. Maayong Balita (*Gospel*)

Ang Maayong Balita mao ang mensahe nga gisangyaw ni Hesus ug sa Iyang iglesya mahitungod sa umaabot nga Ginghamarian sa Dios; ang pagbalik sa gobyerno sa Dios sa kalibotan; ug ang mga tulumanon sa mga katawhan aron makasulod niini. Naapil niini ang mga nahimo na ni Hesus ug ang Iyang mga pagahimoon pa. Kini ang kinatibuk-ang mensahe sa karaan ug bag-ong tugon. Usa kini sa pinaka-importante ug mahinungdanong misyon sa iglesya kay matud pa ni Hesus, *“Panglakaw kamo sa tibuok kalibotan ug iwale ninyo ang Maayong Balita ngadto sa tibuok nga kabuhatan, ang motoo ug magpabautismo maluwas, apan ang dili motoo paghukman sa silot”*.

*Marcos 16:15-16; Mateo 28:19-20; Marcos 1:14; Lucas 24:47*

## 15. Propesiya (*Prophecy*)

Ang propesiya o panag-an mga testimonya ug pagpahayag sa Dios sa Iyang mga plano sa katawhan. Ang Dios walay lipod-lipod ang pag-angkon nga aduna Siyay tumong nga dili mapakyas. Iyang gideklara nga walay sama Kaniya, Siya lamang ang may gahom nga makapahayag ug unsa ang sinugdanan ug unsa ang katapusan. Walay sipyat nga Iya kining tumanon. Kadaghanan niini nahitabo na sumala sa mga natala sa kasaysayan. Ang

mga masunoron sa Dios giawhag nga matinudanon ug ligdong sa mga pulong sa Dios. Kanunay magtoon aron “husto ang pagbahin-bahin” niini. Ang Bibliya nagabaod nga ang mga propesiya dili angayan sabton pinaagi sa kinaugalingon nga paghubad tungod kay kini mismo gipatin-aw na sa ubang bahin sa mga kasulatan. Sukad pa sa unang panahon, daghan na ang nagproklamar nga sila propeta. Dili kini makabsan, hinuon mosanay pa! Sumala sa giingon ni Hesus nga sa ulahing mga adlaw magkadaghan pa ang propetang mini. Ang mga tawhanong panag-an, ilabi na kon ipasundayag nga kini nagagikan sa Ginoo, usa ka dakong pagsupak sa ikatulo ka sugo. Dili mahimong wala kini haom nga silot. Ang propesiya nga natuman na ug kadtong mga nag-anam-anam na usab ug pagkatuman, nagtukod ug kalig-on sa pagtoo sa Ginoo ug sa Iyang mga pulong. Ang Iyang mga testimonya ug mga gibutyag lunsay nga positibo.

*Isaias 46:9-11; Mateo 12:36-37; 2 Timoteo 2:15; 1 Pedro 1:20; Pinadayag 19:10*

## **16. Pagkabanhaw (Resurrection)**

Ang pagkabanhaw sa mga patay maoy paglaom sa mga katawhan. Mao usab kini ang saad sa Ginoo sa mga kristiyano. Lima ka hutong ang pagkabanhaw nga natala sa Bibliya. **1) Ang gi buhi ni Elisha gikan sa hingpit nga kamatayon, si Lazaro nga gibanhaw ni Hesus,**

ang mga nabanhaw diha-diha dungan sa pagkamatay ni Hesus sa krus ug uban pang mga milagro sa pagkabanhaw nga gihimo ni apostol Pedro ug Pablo. Puro lamang 'pisikal' ang mga gibanhaw niining higayona. Pag-abot sa hustong pangidaron ug panahon nangamatay usab sila. 2) Ang pagkabanhaw mismo ni Kristo nga maoy sinugdanan sa pagkabanhaw sa kinabuhing dayon o eternal life. 3) Ang pagbanhaw sa kinabuhing walay katapusan sa mga Kristiano sa pagbalik ni Hesus. 4) Ang pagbanhaw sa tanang walay kasayuran aron hatagan sila ug hingpit nga kahibalo sa kinatibuk-ang plano sa Ginoo. 5) Ug ang pagbanhaw sa tanang gihatagan ug hingpit nga kahibalo sa pamaagi sa Ginoo, nakadawat sa Espiritu Santo, pero sa bug-os nga panghuna-huna, tinuyoang misalikway sa mga kamatuoran ug wala maghinulsol sa ilang mga sala. Sila banhawahon aron sunogon sa linaw nga nagdilaab sa kalayo. Hingpit nga pagapapason sa panumduman ang ilang pagkatawo. Mao kini gitawag ug ikaduha ug hingpit nga kamatayon.

*Juan 5:28-29; Mga Buhat 2:32; Roma 8:11; 1 Corinto 15:20; 1 Tesalonica 4:13-17; Pinadayag 20:4-6, 13-14*

## **17. Ang Paghukom (*Judgement*)**

Ang panahon sa paghukom sa usa ka tawo magasugod sa higayon nga siya pagahatagan

na ug kasinati-an sa plano sa kaluwasan. Hingpit niya kining hingsabtan ug sundon hangtod sa iyang kamatayon, ug dili kaha sa pag-abot ni Hesukristo o kon hain man niini ang mauna. Kadtong kadaghanan nga wala magduha-duha nga mingsunod sa Ginoo pagatanyagan ug kinabuhing dayon o *eternal life*. Ang mga masinupakong nagsalikway human nila hingsabti ang gitanyag nga kaluwasan, hingpitan ang ilang kataposan pinaagi sa pagsunog didto sa linaw nga kalayo o *lake of fire*.

*Mateo 13:49-50; 25:34; 1 Pedro 4:17; Pinadayag 20:15; 21:8*

## 18. Pagpasaylo (*Forgiveness*)

Usa ka paagi nga tangtangon, papason ug di kaha tabunan ang mga sala sa tawo. "Bulahan ang mga paglapas nga gipasaylo ug mga sala nga gitabonan". Ang pagka-makasasala mao'y dakong babag sa pakigrelasyon sa Ginoo. Mao usab kini hinungdan sa atong dili pagkasinabtanay sa usag-usa. Duha ka bahin ang pagpasaylo; **1) pagpasaylo gikan sa Dios ngadto sa katawhan, 2) ang pagpasaylo sa atong isig-katawo.** Ang pagpasaylo usa ka importanteng pagtulun-an nga buot ipasabot sa pangadyeon nga 'Amahan Namu'. Aron kita pasayloon sa Ginoo, kinahanglan makamao usab kita nga mopasaylo sa atong isigkatawo. Hinuno-a usab nga ang pagpasaylo dili

makapapas sa resulta kon unsa man ang nahimong kasalanan. Makita kini sa mga paglapas nga nahimo ni Haring David.

*Salmo 32:1; 2 Samuel 11-12; Mateo 6:12, 14-15*

### **19. Mga Pakig-saad (Covenant)**

Ang karaan ug bag-ong tugon, talaan usab sa mga gisaad sa Dios nga iyang pagatumanon ubos sa mga kondisyon. Sama sa usa ka kasaligan nga kasabotan, ang duha ka partido adunay iya-iyang responsibilidad nga pagahimoon aron matuman ang gikasabotan. *Covenant* ang tawag niini. Ang pinaka komon mao ang *covenant* sa Dios ug ang pisikal Israel ug ang *New Covenant* nga nagdala ug mas maayong mga saad nga pagatumanon sa pagbalik ni Hesus. Apil usab sa bag-ong pakigsaad ang mga kristianong gihatagan ug kahayag sa kamatuoran sa pagkakaron.

*Mateo 5:21-22; 2 Timoteo 3:15-16; Hebreohanon 8:6-13*

### **20. Ang Napulo ka Sugo (Ten Commandments)**

Ang napulo ka sugo usa sa mga pagpahayag sa matinud-anong gugma sa Dios alang sa tawo. Gitala kini ni Moises ug gihatagan pa gayod ug espirituhanong gibug-aton ni Kristo. Mao kini ang haligi ug sandiganan sa mga pagtulun-an sa Bibliya. Kini ang magatudlo



unsaon pagpahayag sa gugma sa tawo ngadto sa Ginoo. Giya kini sa pakigrelasyon sa atong isigkatawo. Sentro kini sa usa ka kinabuhing Kristohanon.

*Exodo 20; Deut. 5; Mateo 5:17-19; Roma 13-10; 1 Corinto 7:19; Pinadayag 12:17; 22:9*

## **21. Destinasyon sa Katawhan**

Sa Genesis pa lamang, giladlad na sa Dios ang tumong sa Iyang paglalik sa tawo. Dili sama sa hayop, ang tawo gihimo sigun sa imahen sa Dios. Gilalang siya aron pagasugdan ang Iyang pinaka-importanteng plano nga mao ang pagpasanay sa Iyang kaugalingong liwat. Gilalik siya dili sa espiritu kon dili sa lapok ug kon maambit na niya bisan sa tipik lamang ang maligdong ug Diosnong kinaiya, hingpitan na ang iyang pagkasakop sa pamilya sa Dios pinaagi sa espirituhanong pagkabanhaw. Niini, hingpit na ang iyang pagka-anak sa Dios ug mao na kini sinugdanan sa kinabuhing walay kataposan. Mao kini ang destinasyon sa katawhan nga wala matugkad sa siyensya o di kaha sa tawhanong kinaadman.

*Genesis 1:26-28; Juan 17:1-5; 1 Corinto 15:50-54; 1 Tesalonica 4:13-17; Roma 8:18-23; 1 Corinto 15:12-23; Efeso 1:3-14*

## 22. Sabado (*Sabbath*)

Ang Sabado mao ang ikapitong adlaw nga angayan bantayan ug saulogon matud sa pahimangno sa Biblia. Sa sinugdanan pa lamang gibuhat na kini pinaagi sa pagpahulay ug lakip na sa *covenant* nga gihatag sa Dios didto sa Sinai. Mismo si Kristo nagtamod niini ug nagtudlo nga bantayan kini. Tanan nga mosunod Kaniya giawhag nga obserbahan ang Sabado isip adlaw nga pagpahulay ug pagsimba sa matuod ng Dios.

*Genesis 2:2-3; Exodo 16; 20:8-11; 31:12-17; Marcos 2:27-28; Lucas 4:16*

## 23. Mga Pista sa Ginoo (*God's Holy Days*)

Ang tinuig nga kapistahan nagagikan sa Dios ug gisaulog kini sa mga Israelitas. Gisaulog usab kini sa mga nauna nga mga kristiano sa bag-ong tugon. Pito ka pista ang tinuig nga pagabantayan sumala sa mando sa Ginoo kay naghulagway kini sa Iyang plano alang sa kaluwasan sa katawhan.

*Levitico 23; Zacarias 14:16; Juan 7:8-10; Mga Buhat 2:1; 12:23; 27:9; 1 Corinto 5:8; 16:8*

## 24. Ikapulo (*Tithe*)

Ang *Tithing* o paghatag sa ikapulo nagpakita ug timailhan sa pagsimba ug pagyukbo sa

Dios. Usa kini ka pribadong butang nga sama sa kinaugalingon nga pag-ampo ang kristiano lamang ang nahibalo kon iya ba kining pagatumanon. Ang CGI walay sumbanan aron panid-an o bantayan kong nag *tithe* ba ang usa ka sakop. Igo lang kining magatudlo nga ang matag usa ka kristiano adunay tulubagon sa Dios. *“Honor the Lord with your substance and with the firstfruits of your increase”*. Ang *tithing* maoy usa ka pamaagi aron masangyaw ang mensahe ni Hesus sa tibuok kalibotan.

*Malachi 3-8:10; Mateo 6:21; 23:23; 2 Corinto 9:7*

## **25. Ang Kalendaryo nga Hebreohanon**

Gigamit sa CGI ang kalendaryong hebreohanon aron mapamatuod ang kapistahan sa Dios. Ang librong, *The Comprehensive Hebrew Calendar* nga gisulat ni Arthur Spier nagatala sa balaanong mga adlaw sa mga Hudeo gikan pa sa 1899 hangtod sa 2100 A.D., ug hapsay kining nagapahayag sa mga tulumanon nga gilatid sa simbahan sulod sa dugay na nga panahon. Ang bag-ong tugon nagpamatuod nga ang mga orakulo sa Dios dinha ipiyal sa mga Judio. Ang CGI bug-os ang pagtoo nga ang mga orakulong gihisgotan dili lamang ang *Old Testament Scriptures* kon dili kauban usab ang pagpatunhay sa kalendaryong gikan sa Dios apil na ang mga tulumanon ug mga talamdan niini.

*Roma 9:4-5*

## **26. Pagkaon nga Hinlo sumala sa Bibliya**

Adunay mga pagkaon nga angayan sundon ug aduna usab ang mga ginadili. Ang Levitico 11 ug Deuteronomio 14 maoy nagahatag ug tin-aw nga mga talaan kon unsa ang angay ug dili angayan kaonon. Si Hesus uban Iyang mga apostoles nagasunod niini. Hangtod pagkakaran gipatuman pa gihapon kini sa buot mosunod sa Iyang mga sugo.

*Genesis 7:2-3; 8:20; Levitico 3:17; 11; Deut. 14:3-21; Mateo 5:17-19; Mga Buhat 10:9-15; 28*

## **27. Kasal-anan (Sin)**

Ang sala mao pagsupak sa balaod, pagsipyat sa marka aron sundugon ang pamatasan ni Hesus. Bisan tuod ang silot sa sala hingpit nga kamatayon didto sa linaw nga kalayo o *lake of fire*, tanan nga kasal-anan mapasaylo. Tinguha sa Ginoo ang kaluwasan sa tibuok katawhan. Busa ang kinasing-kasing nga paghinulsol, ug pagdawat sa gipatulo nga dugo ug sakripisyo ni Kristo maoy paagi nga gihimo sa Dios aron kita mapasaylo.

*Roma 6:23; Efeso 4:32; Colosas 1:14; 1 Juan 3:4; 1 Juan 1:8-10*

## 28. Ang Kristiano

Ang matuod nga Kristiano mao kadtong sa pagkakaran adunay Espiritu Santo nga nangapuyo, nagatultol, nagaagak ug nagagiya sa ilang mga panghuna-huna ug mga kalikohan niining kinabuhi-a.

*Roma 8:9; 1 Corinto 12:13*

## 29. Ang Relasyong Espiritual sa Dios ug Ang Katawhan

Ang relasyong espiritual sa tawo ngadto sa Dios magasugod sa iyang paghinulsol ug pagtoo. Sunod niini ipugas sa Dios ang tipik sa Iyang Espiritu Santo sa alimpatakan sa tawo ug dinhi mahimo na nga Amahan ang Dios ug ang tawo Iyahang mga anak. Mao na kini sinugdanan sa relasyong sama sa usa ka banay. Aron kanunay lig-on ang relasyon kinahanglan dili maputol ang kumonikasyon gikan sa anak ngadto sa Amahan. Ingon usab kang Hesus nga maoy kanunay nangaliyupo sa trono sa Amahan alang sa atong mga panginahanglan. Ang mga kahilipsan sa kumonikasyon mao ang mga mosunod; pag-ampo, pagtoon sa Bibliya, *meditation* o kanunay nga naghuna-huna ug nagapalandong sa mga langitnong butang ug *fasting* o pagpuasa. Kon mahiduol kita sa Dios pinaagi sa mga nahisgotan nga mga pamaagi, siguradong duna kitay kalinaw sa kaisipan, espiritual nga kumpyansa ug lig-on nga pagtoo

gumikan sa suod nga relasyon sa Tagamugna, taga Sustento ug Tagadumala sa tibuok kalibotan.

*Mateo 6:5-13; Mga Buhat 2:38; Roma 8:15-16; 1 Timoteo 2:15; 3:16; Hebreohanon 1:1-2; 24-25; 1 Juan 1:3; Daniel 6:10*

### **30. Relasyon sa Tawo sa Isigkatawo**

Kinahanglan atong huna-hunaon nga tanang tawo usa lamang ang ginikanan. Isip usa ka pamilya kinahanglan panlimbasogan sa matag usa nga mamuyo kita sama sa usa ka malinawon nga banay. Mao kini diwa sa ulahing unom ka sugo sa *Ten Commandments*. Si Hesus mismo nagpakita ug pananglitan nga mahimo diay manginabuhi nga malinawon sa atong isigkatawo. “Mahala ang imong isigkatawo sama sa pagmahal sa imong kaugalingon”, usa ka bulawanong panultihon nga ato nang namatan. Kon adunay higayon, ug mag-agad sa katakos, ayaw pagdumili paghatag ug hinabang sa nanginahanglan.

*Exodo 20:12-17; Deut. 22:1-4; Mateo 18:15-17; 22:39; 25:34-40; Filipos 2:2-4; Lucas 10:29-37; Heb. 12:14; Santiago 2:8*

### **31. Ang Pamilyang Kristiano**

Ang relasyon sa lehitimong kaminyoon maoy sandiganan sa usa ka pamilya.

Instrumento usab kini sa pagtukod ug usa ka malig-on nga katilingban. Ang Bibliya ug ang simbahan, nagadasig sa usa ka malipayong ug malinawong panag-uban sa kaminyoon. Bilihon usab ang pag-atiman sa mga anak ug kon mahimo agakon sila aron makat-onan ang Diosnong dalan. Adunay iyahay nga papel ang magtiayon, pero sa mata sa Dios pariho ang espirtual nga sangpotanan, walay pinalabi ug walay kalainan.

*Exodo 20:12; Mal. 4:5-6; Efeso 5:22-29; 6:1-3; 1 Pedro 3:7*

### **32. Pagpaayo sa mga may Sakit**

Ang langitnong pagpaayo sa sakit usa ka milagrong nagagikan sa Dios. Iya kining itanyag sa mga dunay pagtoo nga mosangpit Kaniya sa panahon sa panginahanglan. Ang mga pag-aayo nga gihimo ni Hesus usa ka pasundayag sa Iyang pagkamangiloy-on ug pagpasaylo. Ang pagbanhaw sa mga patay sa mga umaabot nga panahon maoy pinakakumpleto ug hingpit nga pagkaayo gikan sa mga pisikal nga balatian.

### **33. Ang Iglesya sa Dios**

Ang Iglesya sa Dios mao ang espirtual nga lawas ni Kristo dinhi sa yuta. Mga tawo kini nga gitawag sa Dios ug gitanyagan sa Iyang Espiritu Santo. Isip usa ka espirtual nga lawas

ni Kristo, ang mga ginsakopan niini mao ang mga bautismadong miyembro nga nagkatag-katag sa tibuok kalibotan.

*1 Corinto 12:12-14, 27; Colosas 3:15*

### **34. Ang Misyon sa Iglesya**

Ang Iglesya gihatagan ug misyon nga ipadayon ang pagsangyaw sa mga mensahe nga dala ni Kristo. Apil usab sa mga itudlo ang sakripisyong gihalad ni Hesus alang sa kinatibuk-ang kaluwasan. Ang mga debotong sakop sa simbahan, magtinabangay sa mga panginahanglan aron magpadayon ang mga kalihokan labi na sa pagpakaylap sa Maayong Balita mahitungod sa umaabot nga Ginghamlan sa Dios nga pagkatukuron dinhi sa yuta. Ang mga kaigsoanan sa iglesya giawhag nga dili magpasagad sa pagtabang sa matag usa ilabi na kadtong mga na-ilo ug mga balo sa oras sa ilang kalisdanan. Dinhi malarawan ug maila ang matuod nga gugma sa isigkatawo ilabi na sa mga kaigsoonan sa tinuohan.

*Mateo 28:19-20; Marcos 1:15; 16:15-16; Mga Buhat 1:7-8; Mateo 16:18-19; Lucas 24:44-47; 4:18-19*

### **35. Ang Ministeryo (Ministry)**

Ang *Ministry* ni Hesus ug ang Bag-ong Testamento usa ka ministeryo nga magsilbi sa



Dios ug sa mga sakop sa iglesya. Ipadayon kini sa mga gisangonan sa maong katungdanan aron silbihan ang simbahan. Walay kalainan sa ministeryo nga gihimo sa mga naunang kristiano human mosaka si Hesus sa langit. Responsibilidad niini ang pagtudlo, pagpabaskog sa mga butang nga espirituhanon, pagtan-aw ug pagdumala sa iglesya sa Dios. Dili pagahari-harian sa usa lang ka tawo ang ministeryo. Ang pagkahiusa, pagtinabangay, pagpaubos ug pagsilbi mao kanunay pagahatagan ug dakong importansya. Ang Bibliya nagalatid sa mga buluhaton sa mga ministro. Importante nga ang gitugyanan niining maong katungdanan mopasar sa sumbanan sa usa ka ligdong nga pamatasan.

*Mateo 4:23; Lucas 4:18-19; 1 Corinto 1:24; 12:28; Tito 1:5-9; 1 Timoteo 3:1-13; 5:17-21; 2 Timoteo 2:24-26; 1 Pedro 5*

Laktod lamang ug kulang sa hapsay nga pagpatin-aw ang mga gisulat mahitungod sa mga tema nga gihisgotan niining artikulo. Ang Iglesya sa Dios Internasyonal adunay mga basahon nga may giladmon ang pagkahan-ay aron hingpit nga masabtan ang mga butang nga gihisgotan.

**The Church of God International**  
**Meeting Places**

**Manila**

6th Floor, Peaksun Bldg.  
Princeton St.  
Mandaluyong City  
Saturdays, 2 p.m.

**Naga**

New Crown Hotel  
Elias Angeles cor.  
P. Burgos St.  
2nd-5th Saturdays  
10 a.m.

**Alabang**

Crimson Hotel  
Entrata Urban Complex  
Filinvest City  
2609 Civic Drive  
Muntinlupa City  
Saturdays, 2 p.m.

**Cebu**

Rajah Park Hotel  
Fuente Osmeña Circle  
Cebu City  
1st Saturday of the Month  
10 a.m. - 2 p.m.  
0920-2626413

**Malolos**

Hiyas ng Bulacan  
Convention Center  
Malolos City  
Saturdays, 2 p.m.

**Mindanao**

Alzon's Palace, Maranding  
Lala, Lanao del Norte  
Saturdays 10 a.m.  
Rogen Francisco  
0935-2039729

**Iloilo City**

Iloilo Midtown Hotel  
Yulo St.  
Saturdays, 2 p.m.

Brgy. Kiara, Don Carlos  
Bukidnon  
Saturdays 10 a.m.  
Dirick Huradas  
0935-6734803

**Masbate City**

Brgy. Vito, Sagay  
Negros Occidental  
Saturdays, 2 p.m.

## For Further Information

If you would like to visit a CGI congregation, or if you would like to speak with a CGI minister or representative with any questions you may have, feel free to write or call us. We will be delighted to serve you in any way possible.

United States:  
Church of God International  
P.O. Box 2525  
Tyler, TX 75710  
(903) 825-2525

Canada:  
Church of God International, Canadian Office  
121-525 Highland Rd. W.  
Kitchener, ON N2M 5P4

Australia:  
Church of God International  
P.O. Box 171  
Boonah, Qind 4310

Philippines:  
Church of God International  
Makati Central P.O. Box 2450  
1264 Makati City, Philippines  
Tel: (632) 995-0294  
Tel/Fax: (632) 995-0577  
Cel: 0917-8116365



This booklet is a free educational service  
in the public interest, published by

Ang Iglesia sa Dios Internasyonal adunay mga ministro ug representante nga andam makig-istorya ug mag-alagad kaninyo. Kon aduna kamo'y kinahanglan nga masayran mahintungod sa mga butang espirituwal, magpahibalo lang aron magahinan kamo ug panahon aron pagsilbihan.

#### MGA BASAHON NGA LIBRENG MAINYO:

- Ang Imong Kapalaran
- Gihinloan na ba ang mga Pagkaong Gidili sa Karaang Tugon?
- Kanus-a Nabanhaw si Jesus?
- Katapusan na ba ang Kamatayon?
- Unsa Man ang Tawo?

I-TEXT lang ang ngalan ug kumpletong address sa  
0920-2626413 • 0917-8116365

## God's Annual Holy Days

	<b>Passover</b>	<b>Feast of Unleavened Bread</b>	<b>Pentecost</b>	<b>Feast of Trumpets</b>
<b>2019</b>	April 19	April 20-26	June 9	Sept. 30
<b>2020</b>	April 8	April 9-15	May 31	Sept. 19
<b>2021</b>	March 27	March 28- April 3	May 16	Sept. 7
<b>2022</b>	April 15	April 16-22	June 5	Sept. 26
<b>2023</b>	April 5	April 6-12	May 28	Sept. 16
<b>2024</b>	April 22	April 23-29	June 16	Oct. 3
<b>2025</b>	April 12	April 13-19	June 1	Sept. 23
<b>2026</b>	April 1	April 2-8	May 24	Sept. 12
	<b>Day of Atonement</b>	<b>Feast of Tabernacles</b>	<b>Last Great Day</b>	
<b>2019</b>	Oct. 9	Oct. 14-20	Oct. 21	
<b>2020</b>	Sept. 28	Oct. 3-9	Oct. 10	
<b>2021</b>	Sept. 16	Sept. 21-27	Sept. 28	
<b>2022</b>	Oct. 5	Oct. 10-16	Oct. 17	
<b>2023</b>	Sept. 25	Sept. 30 - Oct. 6	Oct. 7	
<b>2024</b>	Oct. 12	Oct. 17-30	Oct. 24	
<b>2025</b>	Oct. 2	Oct. 7-13	Oct. 14	
<b>2026</b>	Sept. 21	Sept. 26 - Oct. 2	Oct. 3	

**You can download free literatures in PDF format. You can also download our new phone, tablet, and television app, CGI Digital Network. This app is packed with powerful content and resources to help you grow in grace and knowledge. Just visit our website [cgiphils.org](http://cgiphils.org).**

**You can also check our Youtube channel, The Church of God International, Philippines. It includes sermons, sermonettes or Bible studies presented by ministers and leadership graduates from CGI Philippines.**





8F Unit H, IBM Plaza, Eastwood City, E. Rodriguez Jr. Ave.,  
Bagumbayan, Quezon City, MM Philippines 1110

Makati Central P. O. Box 2450, Makati City, MM, Philippines 1264  
Tel/Fax: 995-0577, Tel: 995-0294, Cell: 09178116365

Internet Address: [www.cgiphils.org](http://www.cgiphils.org)  
Email Address: [cgiphils@yahoo.com](mailto:cgiphils@yahoo.com)